

حضرت عیسیٰ نی ولادت باسعادت

2¹ انہاں دیہاڑیاں وچ ہی مُلک رُوم نے شہنشاہ،
جس نا ناں قیصر اَگسٹس سی، اے حُکم

کیتا کہ ساری رعایا نے ناں لِحْمے جاڻ۔² اے پہلی
مردُم شماری اُس ویلے ہوئی جدوں جناب کورینیس
ریاست سُوریہ نا گورنر سی۔³ اِس واسطے سارے
لوک ناں لِحانے واسطے اپٹے اپٹے شہر در گئے۔

⁴ فر اِسرح ہویا کہ حضرت یوسف وی ریاست گلیل نے
شہر ناصرت توں گئے تانکہ ریاست یہودیہ نے شہر بیت
لحم وچ اپٹا ناں لِحان۔ بیت لحم او جغہ سی جتھے
صدیاں پہلے بادشاہ حضرت داؤد پیدا ہوئے سن۔ تے
حضرت یوسف اُتھے اِس واسطے گئے سن کیئانکہ او
حضرت داؤد نی نسل وچوں سن۔⁵ انہاں نال انہاں
نی منگیتر مَریم وی سی جیہڑی کہ حاملہ ہوئی وی
سی۔⁶ جس ویلے او بیت لحم وچ سن تے بچے نی
پیدائش نا ویلا آئی گیا۔⁷ بی بی مَریم نا پہلا پُتر ہویا۔

اُنہاں اُس کی پوٹڑیاں وچ پلہیٹی کرے اِک کُھرلی وچ
رَخی شوڑیا، کیٹانکہ سرائے وچ کوئی جغہ نی سی۔

فرشتہ حضرت عیسیٰ نی پیدائش مبارک نی خوشخبری دینا اے

8 اُس علاقے وچ کُجھ چرواہے وی سن جیہڑے راتی ویلے
باڑیاں وچ اپٹیاں پھیڈاں نی رکھوالی کرنے سن۔⁹ اُنہاں
کی اللہ تعالیٰ نا اِک فرشتہ نظر آیا، تے اُنہاں نے اُسے
پاسے اللہ تعالیٰ نا نور چمکیا تے او بہوں ڈرے۔¹⁰ پَر
فرشتے اُنہاں کی آخیا، ”ڈرو ناں! میں تُساں واسطے
بہوں چنگی خبر آندی اے۔ اے ساریاں واسطے خوشی
نا باعث ہوسی۔¹¹ اِس نی وجہ اے اے کہ اِج بیتِ
لحم شہر وچ تُساں واسطے اِک غناہواں تُوں نجات دینے
آلا پیدا ہویا۔ او اللہ تعالیٰ نے پہیجے وے مسیح اِن، او
مالک اِن۔¹² اِس نی نشانی اے اے کہ تُساں کی اِک
بچہ پوٹڑیاں وچ پلہیٹیا کُھرلی وچ پٹیا نظر اچھسی!“

13 فرِ اسرح ہویا کہ اچانک اُنہاں کی اُس فرِشتے
 نال ہور بہوں سارے فرِشتے نظر آئے۔ او سارے
 اللہ تعالیٰ نی حمدِ اسرح بیان کرنے سن،
 14 ”تعریف اُس خُدا نی، جس نی آسماناں اپر ثنا بیان
 ہوئی آے،

تے زیمی اپر اُنہاں لوکاں وچ امن و سلامتی ہووے
 جنہاں تُوں اللہ تعالیٰ راضی آے!“
 15 جیہڑے ویلے فرِشتے اُنہاں کولوں آسمان در تُری گئے،
 تے چرواہے اک ڈوئے کی آخن لغے، ”اچھو، آساں بیتِ
 لِحْم شہر در جُلاں، تے او گل تکان جس نے بارے وچ
 اللہ تعالیٰ آساں کی خبر دتی آے۔“

16 فرِ اسرح ہویا کہ اُنہاں جلدی جلدی جائی کے
 حضرت مَریم کی تے یوسف کی لوڑی کیندا، تے تکیا
 کہ بچہ کھری وچ پٹیا آے۔ 17 چرواہیاں بچے کی تکیا
 تے او ساری گل حضرت مَریم تے یوسف کی دسی
 جیہڑی فرِشتے اُنہاں کی بچے نے بارے وچ دسی سی۔
 18 جتنے لوکاں اُنہاں نی گل سٹی، سارے حیران ہوئی

گئے۔¹⁹ پَر بی بی مَریم اُنہاں نیاں ساریاں گلاں اپر غور کرنی رہی، تے اِٹھے دلے وِچ رَخی کِہندا۔²⁰ فِر چرواہے اُنہاں ساریاں گلاں نی وجہ تُوں جیہڑیاں اُنہاں تکیاں تے سُنّیاں سُنّ اللہ تعالیٰ نی تعریف بیان کرنے کرنے مڑی کے تری گئے، کیئانکہ فرشتے اُنہاں کی جو کُجھ آخیا سی او سارا اُنہاں اِٹیاں اکھیاں نال تکی کِہندا سی۔

²¹ جیہڑے ویلے بَچّہ اُٹھاں دیہاڑیاں نا ہویا اُنہاں اُس نا ختنہ کرایا، تے اُس نا نان 'عِیسیٰ' رَخیا۔

اے او ہی نان اے جیہڑا فرشتے حضرت مَریم کی حمل ٹھہرنے تُوں وی پہلے دَسیا سی۔

حضرت عِیسیٰ نا بڑے عِبادت خانے وِچ گھڑنا

²² حضرت مُوسیٰ نی شریعت نے مُطابق جیہڑے ویلے حضرت مَریم نے پاک ہوئے نے دیہاڑے پورے ہوئے، تے اُنہاں بچّے کی یروشلیم شہر در اللہ تعالیٰ نے حضور پیش کرنے واسطے گھڑیا۔²³ اُنہاں اے گل اِس واسطے کیتی کیئانکہ اللہ تعالیٰ نی شریعت وِچ اے لِخیا اے،

”اڀڻے پلمپيڻهي نرے پُترے کي اللہ تعاليٰ واسطے مخصوص
کريا کرو۔“²⁴ او اِس واسطے وي گئے سن تانکه او
اللہ تعاليٰ ني شريعت نرے مطابق گمهي نا اِک جوڙا يا
کبوتر نرے دو بچرے وي صدقے نرے طور اڀر پيش کرن۔
²⁵ انہاں ديهاڙياں نرے دوران يروشلم شهر وچ اِک بزرگ
سن جنہاں نا ناں شمعون سي۔ او بھون نيك ترے پريزگار
بزرگ سن۔ او وي اِس انتظار وچ سن کہ اللہ تعاليٰ بني
اسرائيل کول غناہواں تون نجات ديڻے آرے کي کڏون
پهيجسي۔ او رُوح پاک نال پهرے وے سن،²⁶ جس
نرے ذريعه انہاں اڀر اگے اِلهام هويا سي کہ اُس ويلے
تک انہاں اڀر موت ناں اچھسي جڏون تک او اڀڻياں
اکھياں نال اللہ تعاليٰ نرے پهيجے وے مسيح کي ناں
تکسن۔²⁷ اُسے ديهاڙے رُوح پاک نرے ذريعه انہاں
کي اِلهام هويا کہ او بڙے عبادت خانے در جاڻ، ترے او
ٿري گئے۔ اُسے ويلے حضرت عيسيٰ نرے والدين انہاں
کي بڙے عبادت خانے وچ آندا، تانکه شريعت نرے

حُکم کی پُورا کرڻ۔²⁸ جیہڙے ویلے حضرت شمعُون، حضرت عیسیٰ کی تکیا، تے اُنہاں اڻڻیاں باہنواں وچ چائی کھندا۔ اُنہاں اللہ تعالیٰ نی تعریف بیان کرنے ہویاں آخیا،
 ”شکر اے اللہ تعالیٰ! تُوں اڻڻا وعدہ پُورا کیتا اے۔“²⁹

ہُن تُوں اڻڻے اِس بندے کی اڻڻے کول بُلائی کڻ۔

اے اللہ تعالیٰ، میں اڻڻیاں اکھیاں نال تہاڙے پہیجے

وے نجات دینے آلے کی تکی کھندا اے،

جسی تُوں سارے لوکاں واسطے ظاہر کیتا اے۔³¹

اے غیر بنی اسرائیلیاں واسطے نورِ ہدایت ہوسی،

تے تہاڙی بنی اسرائیلی قوم نی شان ودھاسی۔“

حضرت شمعُون، حضرت عیسیٰ نے بارے وچ جیہڙیاں

گلاں کیتیاں، اُنہاں کی سٹی کے حضرت عیسیٰ نی والدہ

صاحبہ تے والد صاحب بھوں حیران ہوئی گئے۔³⁴ حضرت

شمعُون اُنہاں کی دُعا دتی، تے بی بی مریم کی آخیا،

”اِس بچے نے ذریعے بنی اسرائیل وچ بھوں سارے لوک

نجات حاصل کرسٹ، تے بھوں سارے برباد ہوسٹ، تے

لوک اِس نے مُخالف ہوسٹ۔³⁵ اِسرح اُنہاں نے دلے نیاں

اندروی گلاں ظاہر ہوئی جاسن۔ غمے نال تہاڑے ہی دلے
 نا حال اسرح ہوسی جسرح تلوار اُس وچ کھبی وی ہووے۔“
 36 اُتھے اک عورت سی جس نا ناں بی بی حنا سی۔ او اللہ
 تعالیٰ نے پیغام پُہنچائے آلی سی۔ اُس نے والد نا ناں جناب
 فنوئیل سی، جیہڑا بنی اسرائیلیاں نے قبیلے آشِر وچوں سی۔
 او عورت بہوں بڈھی ہوئی وی سی۔ او شادی تُوں بعد ست
 سال تک اپٹے خاوند نال رہی سی۔ 37 فر او بیوہ ہوئی گئی
 سی۔ بیوہ ہوئے تُوں بعد اُس ساری زندگی بڑے عبادت
 خانے وچ گزارے، تے دِن رات صوم و صلوة نی پابند رہی۔
 اُس ویلے او چوراسی سال نی ہوئی وی سی۔ 38 او آئی، تے
 بچے کی تکی کے اللہ تعالیٰ نا شکر ادا کیتا، تے اِس بچے
 نے بارے وچ اُنہاں ساریاں لوکاں کی بان لگی جیہڑے اِس
 گل نے انتظار وچ سن کہ اللہ تعالیٰ یروشلم کی آزاد کرسی۔
 39 فر حضرت عیسیٰ نی والدہ صاحبہ تے والد صاحب اللہ
 تعالیٰ نی شریعت نے مطابق فرائض نی ادائیگی کیتی،
 تے واپس ریاست گلیل نے شہر ناصرت اپٹے کھار ٹری

گئے۔⁴⁰ انہاں نا پُتر جُوں جُوں بڑا ہوٹا گیا، تے اللہ تعالیٰ اُس اپر اپٹا فضل کرنا ریا تے او بہوں سمجھدار ہوٹا گیا۔

باراں سال نی عُمر وچ حضرت عیسیٰ نا بڑے عبادت خانے در جاٹا

41 حضرت عیسیٰ نی والدہ صاحبہ تے والد صاحب ہر سال فسح نی عید، یعنی عیدِ ربائی منائے واسطے یروشلم شہر در جائے ہوئے سن۔⁴² جیہڑے ویلے حضرت عیسیٰ باراں سالان نرے ہوئے، تے انہاں نرے والدین رواج نرے مطابق عید منائے واسطے اُتھے گئے۔⁴³ عید منائے تُوں بعد جیہڑے ویلے او اپٹے گھرے در روانہ ہوئے تے حضرت عیسیٰ یروشلم شہر وچ ہی رہی گئے، پر انہاں نرے والدین کی پتہ ہی نی لغا۔⁴⁴ انہاں نا خیال سی کہ حضرت عیسیٰ قافلے وچ ہی ہوسن۔ دیہاڑ پوری سفر کرنے تُوں بعد انہاں حضرت عیسیٰ کی اپٹے رشتہ داراں تے جائے پہچھانے آلیاں وچ لوڑیا۔⁴⁵ پر انہاں کی او کڈرے وی نی لبھے۔ تے فر او حضرت عیسیٰ کی لوڑنے لوڑنے یروشلم شہر در واپس ٹری

گئے۔⁴⁶ تریئے دیہاڑے حضرت عیسیٰ اپٹے والدین کی بڑے عبادت خانے وچ لبھی گئے۔ اُتھے او بنی اسرائیلی علماً کول بیٹھے وے سن، تے اُنہاں نیاں گلاں سُننے سن تے اُنہاں اپر سوال کرنے سن۔⁴⁷ جتنے لوک حضرت عیسیٰ نیاں گلاں سُننے سن او اُنہاں نی سمجھداری تے جواباں تُوں حیران ہوئے سن۔⁴⁸ حضرت عیسیٰ نے والدین اُنہاں کی اُتھے تکی کے حیران ہوئے۔ اُنہاں نی والدہ آخیا، ”پتر، تُوں آساں نال اسرح کیئاں کیتا اے؟ میں تے تہاڑے ابو تکی لوڑی لوڑی کے بھوں پریشان ہوئی گئے آں۔“⁴⁹ حضرت عیسیٰ اُنہاں کی جواب دتا، ”تساں مکی کیئاں لوڑنے رہے او؟ تساں کی پتہ نی سی کہ مکی اپٹے پیو نے کھرے وچ ہی ہونا چاہی نا سی؟“⁵⁰ پر اُنہاں کی حضرت عیسیٰ نی گل سمجھ نی آئی۔⁵¹ فر حضرت عیسیٰ اپٹے والدین نال ناصرت شہر در واپس تری گئے، تے اُنہاں نے تابعدار بٹی کے رہے۔ پر اُنہاں نی والدہ صاحبہ اے ساریاں گلاں یاد رخیان۔⁵² حضرت عیسیٰ جسمانی طور اپر، تے سمجھ نے

لحاظ نال بڑے ہوئے گئے۔ لوکاں نی نظراں وچ تے
اللہ تعالیٰ نے حضور وچ او بہوں مقبول ہوئے گئے۔

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تُساں نال گل
کرساں، یا تُساں نال دُعا کرساں، یا تُساں نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>

Copyright © 2020 Noor-e-Kashmir
Creative Commons Attribution-NonCommercial-NoDerivatives 4.0 International
(CC BY-NC-ND).